

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 06.07.2018թ. թիվ 1808253511 որոշումն անփոփոխ, իսկ վարչական բողոքն առանց բավարարման

թողնելու մասին
<<01>> 08 2018թ. 17-13-83895-18/17-13-9558

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արմեն Մինասյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Զրվեժ Բանավան 5-րդ շենքի 52-րդ բնակարանի բնակիչ Արմեն Մինասյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 06.07.2018թ. թիվ 1808253511 որոշմանը՝ նշելով, որ իր ավտոմոբիլի դիմացի անիվը մասնակի հայտնվել էր հեղուկոսնային անցման վրա:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին որոշումն օրինական է, իրավաչափ և այն վերանայելու հիմքեր չկան, քանի որ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 84-րդ կետի 4-րդ ենթակետի համաձայն՝ **կանգառն արգելվում է հեղուկոսնային անցումների վրա և երթևեկելի մասի հետ հեղուկոսնային անցումների շփման եզրերից (դեպի երթևեկելի մասեր) 5 մ պակաս վայրում:**

Իրավախախտումն ամրագրած տեսանյութից հստակ երևում է, որ դիմումատուին պարկանող տրանսպորտային միջոցը կանգառ է կատարում **անմիջապես հեղուկոսնային անցումների վրա:**

Նշված իրավախախտման համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 124-րդ հոդվածի 26-րդ մասով:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 06.07.2018թ. թիվ 1808253511 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արմեն Մինասյանին:

Հ.Սաֆարյան



Ե.Կարապետյան